



Broj: 06-04-6550-13/21  
Sarajevo, 15.03.2021. godine

**SKUPŠTINA KANTONA SARAJEVO**  
**-OVDJE-**

**Predmet:** Odgovor na zastupničko pitanje zastupnika Senada Hasanovića, dostavlja se

Zastupnik Senad Hasanović je na 33. Radnoj sjednici Skupštine Kantona Sarajevo održanoj dana 03.03.2021. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio je slijedeće zastupničko pitanje:

„Da li Ministarstvo za boračka pitanja ima jedinstven registar korisnika koji su ostvarili pravo na bilo koju jednokratnu pomoć, dopunsko pravo porodica šehida i poginulih boraca, ratnih vojnih invalida, demobilisanih boraca, ili ostvarili pravo na stipendiju, prekvalifikaciju i sl., te da li je registar javno dostupan?“

Na postavljeno zastupničko pitanje dajemo slijedeći

**ODGOVOR**

Ministarstvo za boračka pitanja Kantona Sarajevo vrši upravne i stručne poslove utvrđene Ustavom, zakonom i drugim propisima u oblasti ostvarivanja prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branioca, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, ratnih vojnih zarobljenika i demobiliziranih branilaca kao lica zaslužnih u odbrambeno-oslobodilačkom ratu sa područja Kantona Sarajevo.

Odredbama člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12-Prečišćeni tekst, 26/14, 46/17, 18/19,20/20 i 24/20-Ispravka) propisano je da se ovim Zakonom uređuju prava, uvjeti i postupak za ostvarivanje prava, korištenje i prestanak prava, sredstva za finansiranje prava, kao i druga pitanja od značaja za





Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Veteran's affairs**

ostvarivanje prava članova porodica šehida, članova porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, branioca, demobiliziranih branioca, dobrovoljaca, organizatora otpora, veterana i ratnih vojnih zarobljenika kao lica zaslužnih u odbrambeno-oslobodilačkom ratu sa područja Kantona Sarajevo, a u skladu sa raspoloživim budžetskim sredstvima, kao i da se prava po ovom zakonu ostvaruju kao dopunska prava.

U skladu sa postavljenim pitanjem, obavještavamo Vas da u ovom ministarstvu postoji baza podataka korisnika dopunskih prava, ali je u većoj mjeri devastirana u požaru od 2014. godine kada nam je izgorio server sa podacima te se trenutno oslanjamo na back up podataka koji je na raspolaganju u Zavodu za statistiku Kantona Sarajevo. Baza podataka nije adekvatno popunjavana prethodnih godina jer zbog oštećenja nije bila dostupna svim unosnicima, a trenutno je u toku njena rekonstrukcija, reparacija i inoviranje sa novim zakonskim pravima. U toku su intenzivne aktivnosti oko uspostave baze podataka, odnosno jedinstvenog registra korisnika prava te ćemo nakon njegove uspostave u skladu sa Zakonom o zaštiti ličnih podataka i Pravilnikom o provođenju Zakona o zaštiti ličnih podataka u Ministarstvu za boračka pitanja Kantona Sarajevo omogućiti njegovu javnu pretragu.

U međuvremenu svi korisnici dopunskih prava dostupni javnosti u svakom momentu (kao npr. korisnici prava na jednokratnu pomoć u slučaju bolesti i drugih socijalnih potreba, na jednokratnu pomoć za plaćanje troškova školovanja, preliminarne liste lica koja su ostvarila pravo na dodjelu stipendije i liste lica koja nisu ostvarila to pravo i druga dopunska prava), a nalaze se na Web stranici Ministarstva za boračka pitanja Kantona Sarajevo na meniju: PROPISI – POJEDINAČNI AKTI MINISTARSTVA.

S poštovanjem,

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1

